

續修廬州府志卷五十九

花翎道銜江南安徽廬州府知府清泉黃 雲總修

流寓傳

郡屬平行土厚水深居者安吉過客常臨因之著錄自古及今附誌羽客兼及禪林

漢

梅福字子真九江壽春人也少學長安明尚書穀梁春秋爲郡文學補南昌尉後去官歸壽春數因縣道上言變事求假軺傳詣行在所條對急政輒報罷是時成帝委任大將軍王鳳鳳專執擅朝而京兆尹王章素忠直譏刺鳳爲鳳所誅王氏寢盛災異數見羣下莫敢正言

續修廬州府志

卷五十九

流寓傳

一

福上書不納成帝久亡繼嗣福以爲宜建三統封孔子之世以爲殷後遂下詔封孔子世爲殷紹嘉公福居家常以讀書養性爲事至元始中王莽顛政福一朝棄妻

子去九江

漢書列傳

相傳梅福嘗讀書於舒城之梅山

康熙志

鄧惲字君章汝南西平人也年十二失母居喪過禮及長理韓詩嚴氏春秋明天文象數王莽時寇賊羣發惲乃仰占元象歎謂友人曰方今鎮歲熒惑並在漢分翼軫之域去而復來漢必再受命福歸有德如有順天發策者必成大功時左隊大夫逮並素好士奇之使署爲吏惲不受署西至長安迺上書王莽曰智者順以成德愚者逆以取害神器有命不可虛獲上天垂戒欲悟陛

下今就臣位轉禍爲福若不早圖是不免於竊位也莽大怒卽收繫詔獄劾以大逆猶以惲據經識難卽害之會赦得出迺與同郡鄭敬南遁蒼梧建武三年又至廬江因遇積弩將軍傅俊東徇揚州俊素聞惲名迺禮請之上爲將兵長吏惲恥以軍功取位遂辭歸鄉里久之太守歐陽歛請爲功曹惲言忤歛去遂客居江夏教授郡舉孝廉爲上東城門候再遷長沙太守後坐事左轉芒長又免歸避地教授著書八篇以病卒子壽

漢書

施延沛國人

康熙志
蕪縣人

嘗避地廬江種瓜爲業明五經星

官風角家貧母老周流庸賃順帝知其賢徵拜太尉年

七十六卒

明隆慶志

季漢

孫策字伯符父堅初興義兵策將母徙居舒與周瑜相友收合士大夫江淮間人咸向之堅薨從袁術術甚奇之常歎曰使術有子如孫郎死復何恨策乞平定江東術表策爲折衝校尉殄寇將軍策渡江轉鬪所向皆破莫敢當其鋒遂引兵渡浙江據會稽更置長吏自領會稽太守時袁術僭號策以書絕之

三國志
吳列傳

魯肅字子敬臨淮人富於財性好施予時周瑜爲居巢長將數百人故過候肅並求資糧肅家有兩困米各三千斛肅乃指一困與瑜瑜益知其奇遂相親結袁術聞其名就署東城長肅見術不足與立事乃攜老弱南到

居巢就瑜瑜東渡因與同行留家曲阿會祖母亡還葬東城畢還曲阿瑜已徙肅母到吳時孫策薨權尚住吳瑜因薦肅才宜佐時權見肅與語大悅之曹公向荊州權得曹公欲東之問與諸將議皆勸權迎之肅獨言不可權歎息曰此諸人持議大失孤望今卿廓開大計正與孤同此天以卿賜我也遂召瑜任以行事以肅爲贊軍校尉助畫方略曹公破走瑜疾因上疏曰魯肅智略足任乞以代瑜卽拜肅奮武校尉代瑜領兵初住江陵後下屯陸口威恩大行眾增萬餘人拜漢昌太守偏將軍建安二十二年卒

三國志
吳列傳

晉

續修廬州府志

卷五十九

流寓傳

三

王祥字休徵琅琊臨沂人性至孝早喪親繼母朱氏不慈數譖之由是失愛於父母使埽除牛下祥愈恭謹父母有疾衣不解帶湯藥必親嘗母常欲生魚時天寒冰凍祥解衣將剖冰求之冰忽自解雙鯉躍出持之而歸母又思黃雀炙復有黃雀數十飛入其幕復以供母鄉里驚歎以爲孝感所致焉有丹柰結實母命守之每風雨祥輒抱樹而泣其篤孝純至如此漢末遭亂扶母攜弟覽避地廬江隱居三十餘年不應州郡之命母終居喪毀瘁杖而後起徐州刺史呂虔檄爲別駕委以州事後仕至太尉封萬歲亭侯晉武帝時拜太保進爵爲公祥固乞骸骨詔聽以睢陵公就第泰始五年薨諡曰元

晉書

王覽字元通祥異母弟母朱遇祥無道覽年數歲見祥被楚撻輒泣涕抱持諫其母母爲少止凶虐覽孝友恭恪名亞於祥及祥仕覽亦應本郡之召

康熙志

五代

鮑照字明遠東海郟人曾居合肥梁縣鄉讀書臺在焉

康熙志

唐

畢誠字存之河南偃師人嘗讀書於舒城主簿山今主簿原是也官翰林學士宣宗訪以邊事條對甚悉帝悅曰吾方擇帥孰知頗牧乃在禁中耶拜邠甯節度使懿

續修廬州府志

卷五十九

流寓傳

四

宗時爲相

康熙志

宋

凌策字子奇宣州涇人世給事州縣策幼孤獨厲志好學與姚鉉同學於廬州雍熙二年舉進士起家廣安軍判官改西川節度推官淳化三年就命爲光祿寺丞簽書兩使判官代還拜右贊善大夫通判定州李順之亂川陝選官多憚行策自陳三莅蜀境諳其民俗卽令知蜀州徙緜州入爲戶部判官遷都判官三司三勾院出知揚州時洪州水知州李元病上與宰相歷選朝士王旦言策莅事和平可寄方面卽以江南轉運使授之五年召拜右諫議大夫集賢殿學士知益州九年自蜀代

還拜給事中權御史中丞尋遷工部侍郎卒錄其子瓘

琬並為奉禮郎

宋史

姜夔字堯章鄱陽人曾寓於合肥赤欄橋

姜白石集

楊繪字元素綿竹人皇祐間進士第一仕至天章閣待

制嘗寓無為州山中自號無為子

一統志

謝枋得字君直江西弋陽人宋亡隱於濡須之南鄉

州志

元

蔡章洛陽人官閩省員外郎至正丁未與省官七家同

舟泛海北歸行海中三月俄有一魚大如舟尾之而行

榜人震恐章焚香告天曰某自幼業儒惟知忠君孝親

未嘗以私害人所載惟先人遺像書籍而已別有贓私

續修廬州府志

卷五十九

流寓傳

五

任天淪溺祝畢舟裂為三其二竟沈章與家人憑其一

漂流七日從台州登岸至舒城時洛中道梗遂定居焉

康熙志

齊克讓山東商河人元天歷間以學行發身官至中書

省右丞相明初有天下以克讓為賢命徙濡須魚米之

地以養其老子孫世籍

康熙志

明

沈純浙江長興人永樂間授合肥令陞刑部主事愛邑

中湖山之勝買田以居有楹帖云一脉書香從浙水五

花官誥寄淝川殊令人想其超曠也

康熙志

陳壽字本仁江西新淦人成化進士官南京兵部侍郎

徙家合肥正德壬申流賊之亂官軍攝其後所過便掠
壽嘗以都御史經略邊鎮官軍向隸麾下至合肥聞壽
在邑中猶凜凜畏戢秋毫不犯壽歷官四十餘年廉聲
素著宦囊蕭然諸子旅寓至無以供具壽都不介意作
詩曰買田陽羨原無計問旅舒廬舊有因癡兒能識癡
翁意但道歸來不道貧

康熙志

李信雲南建水人鄉進士官武昌同知謝任寓舒城性

簡靜杜門不出以詩酒自娛

康熙志

方誠字次公桐城人少高放通六經工詩畫兼善岐黃
之術診治多奇驗寄居舒城之桃谿著有蘭皋集行世

縣志

續修廬州府志

卷五十九

流寓傳

六

夏煜句容人至正間與孫莢等同隱居負詩名明初應

詔授博士遷鎮廬江遂卜宅於岫山口世聚族焉

縣志

黃子順字叔和休甯人明末僑寄廬江遂家焉邑經兵

燹疫癘盛行積尸橫野子順市棺掩骼繼以蓆蓆且盡

掘坑瘞之賑粥施藥活人甚眾

縣志

趙連城字我維本楚人家無爲之襄安爲人權奇倜儻

世業醫所治有奇效尤善拳勇先在劉將軍縉麾下爲

火藥局都司勦勦襄流賊有殊功後以故棄官學手博

盡得秘奧又便捷善射百步外飛石取人皆毫釐不爽

至於戈矛刀劍之術無不窮極精能以一當百

州志

陳上善字元水晚號盤谷老人吳人以避亂徙居南昌

少與曹能始王季重文湛持倡和或云曾官中書及縣令工古文詞及丹青草篆寓濡須最久山水古蹟多經

題咏

州志

郭翼皇字仲甫湖北黃岡人由歲貢任太湖令崇禎辛巳調令合肥兵荒孔亟翼皇悉心整理閣部史可法器其爲人後隱居肥南遂占籍子姪多蜚聲庠序

縣志

羅捧日字爾升號丹霞徽州府諸生明季寄居無爲通天文地理術數之學善詩尤工於詞沿辛稼軒劉改之之派死葬莪花嶺

州志

國朝

張芳傳字蘭畹直隸宛平人官貴筑知縣以祖國楨知

續修廬州府志

卷五十九

流寓傳

七

無爲州課士勸農州民愛之後陞江西廣信知府告歸

思慕先德遺愛寄居合肥

縣志

吳喆字守誠丹徒人以優貢官廬陽訓導愛邑中山水

遂家焉子飛九宣城知縣

縣志

黃士升字天擢原籍休甯雍正丙午舉人分發廣西知縣軍功升上思州知州予告終養來合肥家焉孫思贊

府學生

縣志

張繼曾號味青原籍霍山拔貢生爲合肥訓導因家焉

著有懷岳堂詩集

縣志

留超字華峰福建晉江人善畫宗米芾法其用筆骨格過高罕遇識者抱憤遠遊鬱鬱多病而秉性耿介又不

肯以畫釣資道光初年七十餘歿於廬城旅次後有人知其筆力超脫每以十金覓一紙兵燹後卽尺幅百金亦無從購矣

采訪冊

史積新字正齋大興人壬午進士令合肥擢廬鳳同知權池州府事心地慈祥居官安靜以老疾乞罷流寓淝上子孫遂家焉

縣志

嚴長明字道甫江甯人以生員獻賦召試賜舉人內閣中書入軍機辦事擢侍讀請疾在里主講廬陽書院卒

於合肥

惜抱軒集

杜純甲蜀人官安廬兵備參議性清約食未嘗兼味人不敢干以私後解綬隱於廬之朝霞山吟嘯不輟與文

續修廬州府志

卷五十九

流寓傳

八

士講布衣之歡

縣志

熊嘉夢字魁吾三韓人寄居無爲束髮從戎官至都督多戰功平生不苟嘖笑與士卒同甘苦所在人思之

州志

李廷績號熙堂江蘇太倉人順天大興籍選無爲州吏目性慷慨精吏事好善樂施乾隆乙巳歲大旱餓殍盈途棄嬰不育廷績於署後設蘆棚數十間僱饑民婦收養之明年麥熟還其家全活甚眾又見賣婦鬻女哭聲振四境捐俸爲倡廣勸富紳出資以救之災民感德爭祝長生秩滿士民攀留遂家焉又有孫文煥者詳隸州籍入邑庠曾孫四人長坦官閩有聲次芬江西巡檢次垣廩生次均福建巡檢以原籍未著故闕疑焉

采訪冊

倪鳳來字栖霞江蘇無錫人天性誠篤樂善好施乾隆初隨從父大培廬州經歷任遂家無爲子友龍瑞龍孫永魁永慶世有隱德道光三十年詳隸州籍曾孫釗成咸豐辛酉年選貢

采訪冊

江光旌德人幼失怙事母孝有夙慧善讀書嘉慶己卯舉於鄉道光己丑科成進士授山左招遠令在任有惠政僑寓無爲今己數世

采訪冊

余世和含山人和州常調元之師喜遨遊千百里不持一錢恃醫而食道光間至北鄉鄭岡之陳管祠有病膨脹者噤口己旬餘延之食食畢以病告笑曰汝食我矣我忍不食汝乎出藥少許敷其腹炙以火腹內鼓盪有

聲如廁回遂愈謝以錢不受曰前途自有贈我者訝其言尾之行六七里遙望有休於樹下者曰此其人矣乃呼之曰起吾乏川資速歸將四百文付我其人愠曰素不識爾何爲付爾錢且臀腫烏能行曰汝不行耶吾將使爾能行出藥治之立效如其言酬之

采訪冊

楊煌章監生福建漳州人僑寓無爲州白茆鎮品行端方輕財好義凡地方有益之事無不踴躍爲之善岐黃精堪輿不輕受謝咸豐年賊至被焚死

采訪冊

顧學健字時齋江蘇吳縣人前知州吳澐受業師也吳莅任時聘主繡溪書院專講易學謂造化盡寓其中創立三交三還之說發前人所未發所著易學門戶前陝

撫馮譽驥序而行之尤善醫卜製藥濟人沈疴立起決
未來事響應妻俞氏亦精所學弟子劉立寅揚州人相
從最久得其真傳采訪冊

司徒搢字笏軒當塗庠生夫婦俱能詩避賊無爲以嘯
傲山水爲樂詩格力摹劍南著有竹屋山人稿采訪冊

吳順興字篤民溧水人僑寓無爲廉正不苟好施捨捐
貲倡育嬰會建橋梁扶危濟困刻慈航普渡暗室燈戒

溺女文諸善書板存金陵采訪冊

余思復字不遠福建將樂人工詩尤善書法客遊近三
十年留住濡須最久著有吳遊草州志

沙白字定峰江陰人以諸生入太學嘗爲宛平侍郎王

續修廬州府志

卷五十九

流寓傳

十

崇簡掌書記康熙癸丑歸自京師遂渡江訪其族弟可
續於濡須留居久之郡中古蹟多所題咏州志

張化鳳字羽皇河內人知連山縣後寓巢縣樂善好施
人咸德之縣志

夏嘉賓字君尚新安人隨其父貿易於巢遂居焉忠信
誠篤樂善好施人稱長者子孫五世同居縣志

魏侯聘字爾賓崇明貢士任巢縣教諭罄囊以修學校
去官後貧不能歸卜居於巢遂家焉縣志

盧沅號芷江山陽人乙卯舉人曾官巢縣訓導鎔經史
工詩文博雅宏通終日與諸生講貫任滿推陞徽州府
學教授赴任未幾卒遺命以巢邑風俗純樸山川明秀

令子孫移居焉子監生麟華麟書亦博學多才邑人敬之其墳墓親戚俱在巢邑僑居已六十三年

采訪册

宮若蓮號碧波含山人僑居巢邑精天文數學兵燹時挈眷數十口遇患先知與邑令陳允中相友善後自知卒日果驗其次子鈞號衡卿精畫山水人物運用中鋒

與邑人士多結契

采訪册

程煥號芥舟含山布衣妻王秀號竹軒夫婦能詩以畫没骨花爲生計居巢數十年夫婦唱和如常值窘甚輒出繡物并畫幅易薪水知己投贈受而不謝無因之餽則却之不顧耿介脫畧爲士林所重今卧牛山麓有芥

舟墓云

采訪册

續修廬州府志

卷五十九

流寓傳

十一

程良椿字菊鄉職監生原籍休甯寄居巢邑已四世北郭外見子橋傾圯捐錢一千三百緡獨任重建以濟行

旅邑令邵嘉其好義

采訪册

鮑丕蒸號粒亭監生休甯籍寄於巢三世邑中義舉慷慨樂輸咸豐十一年在北關花園村被賊殺害

采訪册

葉百和青陽人居於巢壽九十六歲子豫章文生善堪

輿

采訪册

葉明輔丹陽人寄居廬屬於咸豐五年隨同禦賊爲賊所執罵不絕口致被殺害

采訪册

方外傳附

周

王子喬周靈王太子晉也好吹笙作鳳鳴遊伊洛閒道
士浮邱公接上嵩山常遊巢愛金庭紫薇之勝煉丹洞
口拔劍刺地湧泉至今遺蹟猶存楚辭遠遊篇云軒轅
不可追攀兮吾將從王喬而娛戲順凱風以縱遊兮至
南巢而一息

康熙志

漢

周義山汝陰人丞相勃之後年十六常於日出時東向
服氣後遇仙人蘇子元授以長生訣白日昇舉

江南通志

魏伯陽生於東漢號雲牙子會稽上虞人嘗煉丹於合

續修廬州府志

卷五十九

方外傳附

十一

肥四頂山中所著有參同契三篇以易說丹訣示青州
徐景休從事由此書傳於世伯陽自敘其書云會稽鄙
夫幽谷朽生挾懷朴素不樂權榮棲遲僻陋忽略利名
執守澹泊希時安平晏然閒居乃撰斯文

明隆慶志

左慈字元放廬江人也少有神道嘗在曹操坐操從容
顧眾賓曰今日高會珍羞略備所少吳松江鱸魚耳元
放曰此可得也因求銅盤盛水以竹竿餌釣於盤中須
臾引出皆長三尺餘曹又曰既已得魚恨無蜀中薑耳
放曰亦可得也操因曰吾前遣人到蜀買錦可過勅使
者增市二端語頃卽得薑還並獲操使報命後曹出近
郊士大夫從者百許人慈齎酒一升脯一斤手自斟酌

百官莫不醉飽操怪之使尋其故行視諸鑪悉亡其酒脯矣操懷不喜因坐上欲收殺之慈乃卻入壁中霍然

不知所在

後漢書方術傳

唐

廬州開光宗禪師上堂說偈曰一不做二不休捩轉鼻孔捺下雲頭禾山解打鹽官鼓僧繇不寫戴嵩牛廬陵米投子油雪峯依舊鞦雙毬夜來風送衡陽信寒雁一

聲霜月幽

明隆慶志

慧滿禪師貞觀間結庵於合肥大蜀山嘗誦法華經忽有白衣造門曰我東海龍王少子也聞梵音特來聽法時適苦旱僧令其降雨答曰盜布天澤當殛死師曰汝

續修廬州府志

卷五十九

方外傳附

十三

捨此身以救民我誦此經以度汝言畢不見須臾膏澤滂沱越三日有龍死於山隅師收而葬之民爲立祠其

后水旱祈之必驗

明隆慶志

三刀禪師唐末居廬江顯甯院黃巢之亂爲賊所執斫之三刀無血世號三刀禪師

明隆慶志

伏虎禪師不知何許人亦無姓名昭宗光化三年結庵治父山絕頂賜號孝慈伏虎禪師及吳王楊行密捨宅名光化寺請居之師厭其囂雜天復二年別構一庵於治父之陰弟子受戒者八百餘眾

康熙志

崔之道舒城人爲潛山真元宮道士嘗見二仙人對弈與一棊子命吞之自此言禍福輒應後尸解

明隆慶志

崔自然巢縣人少學道得服松脂法後隱於城南洞中辟穀修煉冬大雪常於溪中澡浴每入山虎豹見之皆蹲伏一日謂其徒曰我爲仙官所召言訖而遁後有人自豫章來者見之於道疑蛻去云今石牀藥鼎尙在

明隆

慶志

春秋山二禪熙甯中石亘記云余嘗遊春秋山有二禪像存焉世傳二人者相繼隱於此蛻形以去

輿地紀勝

宋

李景僊祥符中道士居天慶觀聚書萬卷玉清昭應宮成求道書於天下迎居昭應後遣歸景僊之兄名僊芝

登進士第

州志

續修廬州府志

卷五十九

方外傳附

十四

元

周眞人住羣僊觀善醫藥及相地樞密王藺識之

縣志

清慧禪師名法雲字湛然至正間開演御講特封國師

清慧其賜號也初住合肥明教寺後在無爲報恩寺開

山

州志

妙果禪師自號無住翁饒之樂平人嘗發願云吾今生不作佛當入無間地獄東遊四明天台浮梁諸山歸憩於巢邑民柳氏割山地建蘭若以棲師手創一塔是夜有光如疋練自天際散於五峯之頂三夕乃止居民數十里聚觀之

康熙志

五乳和尚上恩弟子德璞傳臨濟宗住錫大蜀山開福

寺闢草建刹復振慧滿宗風人咸重之康熙志

明

張以傑江西南昌人正德初年十七至合肥白鶴觀闡道修真眾欽法之尤善祈禱符籙康熙志

徐謙三吳鄉人善符籙能驅風雷郡邑旱請禱立沛太守龍誥贈以詩康熙志

周和尚世居山溪凹正統間試天下僧居第二通書史諳天文地理韓襄毅公征西周披袈裟參謀軍事辭方

山以梅花百韻令和一夕吟成縣志

可靜禪師居廬江大隆寺洪武初考選天下名僧第一賜錦襪袈裟紫金盃孟永樂間遣御史白圭修其墓康熙

續修廬州府志

卷五十九

方外傳附

十五

志

李虛庵廬江人寓居六安行導引術云虎皮張真人教之也見天仙直論縣志

行瑛為景福寺僧正博通佛書能以己意化導人嘗捐貲百餘金裝塑佛像遊京師歸囑其徒以後事瞑目百

日遂示寂州志

無為古城僧了然受戒於鴻茲澹公不食鹽醬日誦經以無念為宗年七十四一日在龕中自令封識三年後

啟視之貌如生康熙志

吳崇信無為道士嘗遊長沙傳毛真人五雷法能驅役

鬼神祈禱甚驗江南通志

隱明和尚濡須人年十五入灤之華嚴庵受戒苦行三
年澹齋十二年閉關六年透悟宗風目不識字出口成
偈著消飯集一帙冬日取寒泉澡浴常汗出圓寂後三
年體不壞

康熙志

翟道人遼人故某將軍部卒不知其道術所由得嘗從
將軍出行邊路半忽失之凡物色數日而得則入定於
馬上也萬歷間吳侍郎光義攜之自陝西寓無爲西門
外謝家莊二年或數日不食或盛夏據大石長卧赤日
中至七八日處暗室未嘗需燈以水飲病者輒愈崇禎
丙子道人在燕西山中侍郎遣使人迎之答曰我當有
書來旬日間正陽門道上忽有小僮投一札侍郎自輿

續修廬州府志

卷五十九

方外傳附

十六

中開視之止知足不辱四字侍郎乃挂冠而歸

州志

國朝

履正和尚鳳陽人居合肥寶勝寺苦行數十年忽忽有
悟歲之豐歉天之晴雨詢之悉驗後坐化日沐浴辭大
眾寺旁有雲氣護焉

縣志

浮槎山僧正瑜戒律精嚴剏甘露菴植松萬株而自築
小室居之邑士大夫罕有能見之者見則談今古忠孝
事相勸勉年六十六先期示寂越十二年龕壞啟視貌
如生眾驚異乃金其身構室奉之

康熙志

野蠶宋姓名崖店埠人少爲名諸生父母歿出家學浮
屠放情山澤間客中州大相國寺最久生平肆力於詩

音調高伉琢句秀傑書法頗怪偉畫筆縱橫有奇氣酷
肖天池與石濤瘦瓢齊名無錫秦小峴司寇爲之立傳
同里趙野航學博復刊其遺集采訪冊

嘯顛揚州人簡易少世緣懶與人接苦身冥行卓錫合
肥城東羅漢寺寺創於宋太平興國年殿宇幽邃院中
銀杏二夭矯叅天狀若虬龍相攫拏嘯顛築團焦坐卧
其下風聲雨聲簷鈴聲木魚梵唄聲吟咏聲日夜相間
答故其爲詩一空依傍直抒胸臆力追古人而能自道
其所得常往來治父山所與遊者皆以顛和尚稱采訪冊
釋星朗閩漳龍溪林氏子舉天啟丁卯鄉試仕屯部郎
出守肇慶渡揚子江叅天界博山和尚深領法要於是

續修廬州府志

卷五十九

方外傳附

十七

棄官薙髮徧歷名山巨剎後至廬江卓錫治父祖庭寺
寺旁有古樹一株枯而復榮遂於亂榛中創建殿宇四
方學者雲集康熙癸丑春樹忽萎倒溪中星朗曰樹倒
老僧行矣沐浴更衣跣趺說偈而逝康熙志

印禪舒城得勝菴僧不識字不誦經冬夏披一破衲襖
數珠纍纍垂項下芒鞋竹杖日携筐檢字紙及遺骸焚
座之夜則趺坐蒲團木魚聲達旦不絕年七十餘卒采訪冊

通達和尚不知何許人康熙五十年間來土橋鎮寄居
城隍廟粒食絕不入口惟日飲水三十餘升夜則誦經
達旦如是者近十日忽買薪集平原僻處端坐其中引

火自焚瞑目誦佛號而化鎮人異之卽其地建塔爲廟
以祀

州志

許明濟居無爲有道術能移腫毒於樹木牆壁之上夏
日盤膝坐蠅蚊不敢近黑夜書日月字於掌則有白光
照路以隻履置門前則人不得入

采訪
冊

僧章有開城鄉玉皇殿住持咸豐七年粵匪掠境村婦
數十逃避殿內賊欲污之僧冒刃力阻賊以不潔誣僧
僧奪賊刃自宮於廟前月池池水盡赤賊眾悚然愧散
先歲旱僧露處不食跌坐七晝夜雨降又寶林寺僧隆
勝受戒西岳華山朝五臺峨嵋武當普陀髮逆毀廟遂
自焚死

采訪
冊

續修廬州府志

卷五十九

方外傳附

十八

僧遐齡住持青蓮菴俗家中廟姥山丁姓於同治十一
年削髮入空門拜佛誦經朝夕不倦暇則檢收字紙掩
埋枯骨次年化修菴宇工畢往花山禪林受戒後入定
功益密十二年正月參南海普陀山五月歸遇異人授
以秘籙圓寂之期預先知覺先一日沐浴更衣供香案
展經文端坐宣誦次日坐化遂在本菴園中火化於庵
旁立碑記其顛末

采訪
冊

僧恒默芝城文士也披剃住持東郭外慈雲閣誦經之
餘設館課士子制藝詩宗放翁聯字紙會醮聚名流每
於春秋佳日登閣賦詩著有慈雲閣詩鈔行世署名掃
葉行者道光年間閣不戒於火遂邁疾死遭兵燹詩亦

無存延靜僧住持天淨庵謹守法戒兼嫻武藝咸豐八年賊縱燒寺院毀滅神像僧手握石塊揪賊力斃二名又有南嶽殿僧修轍白雲山僧三和尚祠山殿僧鴻寬僧名闕髮逆毀神像力拒被殺鴻寬死後猶合掌盤坐

冊 采訪